



REPUBLIKA Y'U RWANDA
MINISITERI Y'IBIDUKIKIJE
IKIGO CY'IGHUGU GISHINZWE UBUMENYI
BW'IKIRERE



B P: 898, Kigali, Rwanda, Website: www.meteorwanda.gov.rw

Toll free :6080

IKINYAMAKURU K'IMIHINDAGURIKIRE Y'IKIRERE No 12, KAGENEWE ABAHINZI-BOROZI, IGICE CYA GATATU MATA (21-30) 2020

Cyasohotse ku itariki ya 02 Gicurasi, 2020


Iriburiro

Mu minsi icumi y'igice cya gatatu, Mata 2020 kuva tariki ya 21 kugeza tariki ya 30, ahensi mu gihugu habonetse imvura nyinshi ugereranyije n'isanzwe igwa muri ayo matariki mu gihe cy'imyaka myinshi. Imvura nyinshi yapimwe ku bupimiro bwa Byimana mu Karere ka Ruhango hapimwe milimetro 193.4. Ahapimwe imvura nke ni ku bupimiro bwa Ngoma-Kazo mu Karere ka Ngoma ingana na milimetro 64; Intara y'Amajyepfo, iy'Amajyaruguru n'Umujiyi wa Kigali niho habonetse imvura nyinshi kurusha izindi ntara.

Ibibimo by'ubushyuhe ni nk'ibisanzwe ntibyahindutse cyane ugereranyije n'iminsi icumi ishize; Igipimo cy'ubushyuhe bwo hejuru cyari hagati ya dogere Selisiyusi($^{\circ}\text{C}$) 20.6 muri Gicumbi na Busogo na 29.6°C mu Bugarama naho igipimo cy'ubushyuhe bwo hasi cyari hagati ya 12.2°C ku bupimiro bwa Musanze na 18.6°C ku bupimiro bwa Bugarama.

Imvura yaguye (21-30) Mata 2020 ugereranyije n'isanzwe igwa muri iyo minsi

■ 21-30 Mata 2020 ■ 21-30 Mata




Ishusho 1: Imvura yaguye ugereranyije n'isanzwe igwa muri iyo minsi.

1.0. Imvura yaguye

Aha turerekana ingano y'invura yaguye, umubare w'iminsi invura yaguye n'ubuhedhere bw'ubutaka mu minsi icumi y'igice cya gatatu cya Mata 2020.

1.1. Ingano y'invura yaguye

Ikarita ya mbere hasi irerekana ingano y'invura yaguye mu minsi icumi y'igice cya gatatu cya Mata 2020. Igiteranyo cy'invura mu minsi icumi y'igice cya gatatu cyari hagati ya milimetro 64 na milimetro 193.4. Invura nyinshi yaguye ku bupimiro bwa Byimana mu karere ka Ruhango mu Ntara y'Amajyepfo (193.4mm). Ahaguye invura nke ni ku bupimiro bwa Ngoma-Kazo mu karere ka Ngoma mu Ntara y'Iburasirazuba hapimwe milimetro 64.




Ikarita ya 1: Ingano y'Invura muri mm

1.2 Invura isanzwe igwa mu minsi icumi y'igice cya gatatu cya Mata

Ufatiye ku bipimo by'igihe kirere, ikarita ya kabiri iratwereka invura isanzwe igwa mu minsi icumi y'igice cya gatatu cya Mata.

Ubusanzwe iki igice cya Mata kigusha invura iri hagati ya milimetro 20.9 na 70.9;


bigaragara ko ugereranyije invura yaguye n'isanzwe igwa mu gihe kirekire, invura yaguye yari nyinshi mu bice byose by'ighugu cyane cyane mu Ntara y'Amajyepfo, iy'Amajyaruguru ndetse no mu Mujyi wa Kigali



Ikarita ya 2: Invura isanzwe igwa mu gice cya gatatu cy'ukwezi kwa Mata


1.3.Umubare w' iminsi invura yaguyemo

Ikarita ya 3 iragaragaza umubare w'iminsi invura yaguyemo, mu gice cya gatatu mu kwezi kwa Mata 2020. Umunsi tubara ko wagushije invura ni umunsi ugira byibuze milimetro 0.85 cyangwa nyinshi. Muri rusange invura yabonetse hagati y'iminsi ine n'iminsi icumi (4-10) nubwo ahensi mu gihugu invura yaguye yari hagati y'iminsi 6 n'iminsi 8. Iminsi mike yabaye 4 ku bupimiro bwa Kibungo-Kazo naho iminsi myinshi yabaye 9 ku bupimiro bwa Rubengera, Rubavu, Musanze no ku bupimiro bwa Busogo haguye invura mu minsi 10.



Ikarita ya 3: Umubare w'iminsi imvura yaguyemo

1.4. Ubuhehere bw'Ubutaka



Ikarita ya 4: Ubuhehere bw'ubutaka


Ikarita ya 4 iragaragaza ko muri rusange ahensi mu gihugu ubuhehere bw'ubutaka muri iyi minsi icumi y'igice cya gatatu cya Mata 2020 bwiyongereye cyane cyane bitewe n'ibihe by'imvura byaranze iyi minsi. Hateganyijwe ko ubuhehere bw'ubutaka buzakomeza kwiyongera mu gice cya mbere cya Gicurasi bitewe n'uko imvura izakomeza kugwa mu gice cya mbere cya Gicurasi.

2.0. Ibibimo by'ubushyuhe

Aha turareba muri rusange uko ibipimo by'ubushyuhe bwo hejuru no hasi hirya no hino mu gihugu byari bimeze.

2.1 Igipimo cy'ubushyuhe bwo hejuru


Ikarita ya 5 irerekana ubushyuhe bwo hejuru. Ugendeye ku bipimo by'ubushyuhe dusanzwe tubona, ahensi mu gihugu ubushyuhe bwari mu kigereranyo gisanzwe; mu Majyaruguru y'Uburasirazuba, mu Mujyi wa Kigali, ndetse n'igice kinini cy'Uburengerazuba cyane cyane mu Majyepfo yaho niho hashyushye kurusha ahandi mu gihugu naho mu Ntara y'Amajyaruguru akaba ariho hakonje ugereranyije n'ahandi. Ibibimo by'ubushyuhe byari hagati ya dogere Selisiyusi 20.6 na 25.8 ahensi mu gihugu; uretse ku bupimiro bwa Bugarama hashyushye cyane kuko hapimwe dogere selisiyusi 29.2.



Ikarita ya 5: Ubushyuhe bwo hejuru

2.2. Igipimo cy'ubushyuhe bwo hasi

Ikarita ya gatandatu irerekana uko ubushyuhe bwo hasi bwanganaga. Ubushyuhe bwo hasi bwari hagati ya Dogere Selisiyusi 12.2 (Busogo) na Dogere Selisiyusi 18.6 (Bugarama). Mu Majyaruguru y' u Rwanda niho hakonje cyane kurusha ibindi bice by'ighugu.




Ikarita ya 6: Ubushyuhe bwo hasi

3.0 Iteganyagihe rigenewe abahinzi mu minsi icumi y'igice cya mbere cya Gicurasi (tariki 01-10) 2020

3.1 Ikirere giteganyijwe

Ugereranyije igice cya gatatu cya Mata n'igice cya mbere cya Gicurasi 2020, hateganyijwe ko imvura izagabanuka mu gice cya mbere cya Gicurasi 2020. Imvura iteganyijwe izaba iri hagati ya milimetro 40 na 120. Imvura nyinshi iri hagati ya milimetro 90 na 120 iteganyijwe mu Ntara y'Amajyaruguru, mu mujyi wa Kigali, mu duce twegereye umujyi wa Kigali,

mu turere tumwe na tumwe two mu ntara y'Iburengerazuba nka Rubavu, Nyabihu, Rutsiro na Ngororero ndetse nutwo mu Ntara y'Amajyepfo nka Kamonyi, Muhanga na Ruhango. Imvura nke iri hagati ya milimetro 40 na 60 iteganyijwe mu ntara y'Iburasirazuba mu turere twa Kirere, Gatsibo na Nyagatare. Ibice bindi bisigaye by'ighugu biteganyijwemo imvura iri hagati ya milimetro 60 na 90. Muri iyi minsi icumi y'igice cya mbere cya Gicurasi imvura izaboneka cyane mu matariki 3,5,6 na 7 Gicurasi 2020.



Ikarita ya 7: Iteganyagihe ry'imvura mugice cya mbere cya Gicurasi

3.2 Ibirebana n'imirimo y'ubuhinzi

Dushingiye ku bipimo bigaragaza ko imvura izakomeza kuboneka mu gice cya mbere cya Gicurasi 2020 (tariki 01-10), abahinzi barashishikarizwa gukomeza gukora imirimo y'ubuhinzi ndetse bakomeza kugisha inama abashinzwe ubuhinzi babegereye. Barashishikarizwa kandi kujya basura urubuga rwa Meteo Rwanda www.meteorwanda.gov.rw, cg guhamagara umurongo utishyurwa 6080.